

Pasqyrat Financiare

Shoqëria Koncesionare Noa Inspect shpk

Më dhe për vitin e mbyllur më 31 dhjetor 2020

Përmbajtja

	Faqe
Raporti i Audituesit të Pavarur	i-iii
Pasqyra e Pozicionit Financiar	1
Pasqyra e Performancës Financiare	2
Pasqyra e Ndryshimeve në Kapital	3
Pasqyra e Flukseve të Parasë	4
Shënimet për Pasqyrat Financiare	5-18

Raporti i Audituesit të Pavarur

Për aksionerët e Shoqëria koncesionare Noa Inspect shpk

Opinionit

Ne kemi audituar pasqyrat financiare të 'Shoqëria koncesionare Noa Inspect shpk' ("Shoqëria"), të cilat përfshijnë pasqyrën e pozicionit financiar më datë 31 dhjetor 2020, pasqyrën e performancës financiare, pasqyrën e ndryshimeve në kapital dhe pasqyrën e flukseve monetare për vitin që mbyllet me këtë datë, si edhe shënimet për pasqyrat financiare përfshirë një përmbledhje të politikave kontabël më të rëndësishme.

Sipas opinionit tonë, pasqyrat financiare të Shoqërisë janë përgatitur, në të gjitha aspektet materiale, në përputhje me Standardet Kombëtare të Kontabilitetit.

Bazë për Opinionin

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen *Përgjegjësitë e Audituesit për Pasqyrat Financiare*. Ne jemi të pavarur nga Organizata në përputhje me Kodin e Etikës të Kontabilistëve Profesionistë të njohur nga Bordi Ndërkombëtar i Standardeve të Etikës për Kontabilistët (IESBA), kërkesat etike që janë të zbatueshme për auditimin e pasqyrave financiare në Shqipëri, si dhe kemi përmbushur përgjegjësitë e tjera etike në përputhje me kodin IESBA. Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

Përgjegjësitë e Drejtimit dhe të Personave të Ngarkuar me Qeverisjen në lidhje me Pasqyrat Financiare

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me Standardet Kombëtare të Kontabilitetit, dhe për ato kontrole të brendshme që drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, drejtimi është përgjegjës për të vlerësuar aftësinë e shoqërisë për të vazhduar në vijimësi, duke dhënë informacion, nëse është e zbatueshme, për çështjet që kanë të bëjnë me vijimësinë dhe duke përdorur parimin kontabël të vijimësisë përveç se në rastin kur drejtimi synon ta likujdojë entitetin ose të ndërpresë aktivitetet, ose nëse nuk ka alternativë tjetër reale përveç sa më sipër.

Ata që janë të ngarkuar me qeverisjen janë përgjegjës për mbikëqyrjen e procesit të raportimit financiar të entitetit.

Përgjegjësitë e Audituesit për Auditimin e Pasqyrave Financiare

Objektivat tona janë që të arrijmë një siguri të arsyeshme lidhur me faktin nëse pasqyrat financiare në tërësi nuk kanë anomali materiale, për shkak të mashtrimit apo gabimit, dhe të lëshojmë një raport auditimi që përfshin opinionin tonë. Siguria e arsyeshme është një siguri e nivelit të lartë, por nuk është një garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston. Anomalitë mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arsyeshme të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e një auditimi në përputhje me SNA-të, ne ushtrojmë gjykim dhe skepticizëm profesional gjatë procesit të auditimit. Ne gjithashtu:

- Identifikojmë dhe vlerësojmë rreziqet e anomalive materiale në pasqyrat financiare, për shkak të gabimeve ose mashtrimeve, projektojmë dhe zbatojmë procedura auditimi të cilat u përgjigjen këtyre rreziqeve, si edhe marrim evidenca auditimi të plota dhe të mjaftueshme për të krijuar bazat e opinionit tonë. Rreziku i moszbulimit të një gabimi material që vjen si rezultat i një mashtrimi, është më i lartë se ai që vjen nga një gabim, pasi mashtrimi mund të përfshijë marrëveshje të fshehta, falsifikime, mosveprime të qëllimshme, keqinterpretime, ose shkelje të kontroleve të brendshme.
- Marrim një kuptueshmëri të kontrollit të brendshëm në lidhje me auditimin, për të planifikuar procedura të përshtatshme në varësi të rrethanave, dhe jo për të shprehur një opinionin mbi efektshmërinë e kontroleve të brendshme të entitetit.
- Vlerësojmë konformitetin e politikave kontabël të përdorura dhe arsyeshmërinë e vlerësimeve kontabël dhe informacioneve shpjeguese të bëra nga drejtimi.

- Konkludojmë mbi përdorimin e duhur të parimit kontabël të vijimësisë nga drejtimi si dhe, bazuar në evidencat e marra gjatë auditimit, konkludojmë nëse ekziston një pasiguri materiale e lidhur me ngjarje ose kushte të cilat mund të sjellin dyshime në aftësinë e entitetit për të vazhduar në vijimësi. Nëse konkludojmë që ekziston një pasiguri materiale, ne duhet të tërheqim vëmendjen në raportin tonë të auditimit për informacionet shpjeguese përkatëse në pasqyrat financiareose, nëse keto informacione shpjeguese janë të pamjaftueshme, të modifikojmë opinionin tonë. Përfundimet tona janë të bazuara në evidencat e auditimit të marra deri në ditën e raportit tonë të audituesit. Megjithatë, ngjarjet ose kushtet e ardhshme mund të jenë shkak që entiteti të ndalojë së vazhduari në vijimësi.
- Vlerësojmë prezantimin e përgjithshëm, strukturën dhe përmbajtjen e pasqyrave financiare, përfshirë dhënien e informacioneve shpjeguese, dhe nëse pasqyrat financiare paraqesin transaksionet dhe ngjarjet bazë në mënyrë të aullë që të arrijnë një prezantim të drejtë.

Ne komunikojmë me ata të cilët janë të ngarkuar me qeverisjen, midis çështjesh të tjera, për qëllimin dhe kohën e planifikuar të auditimit, gjetjet e rëndësishme gjatë auditimit, përfshirë çdo mangësi të theksuar në kontrollin e brendshëm, të cilat ne i identifikojmë gjatë procesit të auditimit.

Grant Thornton sh.p.k.

Tiranë, Shqipëri
2 korrik 2021

Kledion Kodra, Foca

Kod



Pasqyra e Pozicionit Financiar


	Shënime	31 dhjetor 2020	31 dhjetor 2019
Aktivët			
Aktivët afatshkurtra			
Mjetë monetare	5	18,273,980	8,869,271
Llogari të arkëtueshme	6	16,585,840	-
Aktive të tjera	7	4,946,027	16,215,868
Totali i aktive afatshkurtra		39,805,847	25,085,139
Aktivët afatgjata			
Aktive afatgjata jomateriale-e drejtë koncesionare	8	65,678,045	71,652,037
Totali i aktiveve afatgjata		65,678,045	71,652,037
Aktivët totale		105,483,892	96,737,176
Detyrimet			
Detyrimet Afatshkurtra			
Llogari të pagueshme	9	7,979,095	9,773,578
Detyrime të tjera	10	845,768	516,656
Detyrime ndaj palëve të lidhura	11	109,297,709	99,364,564
Totali i detyrimeve afatshkurtra		118,122,572	109,654,798
Kapitali			
Kapitali i paguar	12	1,000,000	1,000,000
Fitimi i pashpërndarë		(13,917,622)	(13,917,622)
Fitimi i vitit		278,942	-
Totali i Kapitalit		(12,638,680)	(12,917,622)
Totali i kapitalit dhe detyrimeve		105,483,892	96,737,176

Pasqyrat financiare janë aprovuar nga Drejtimi i Shoqëria koncesionare Noa Inspect shpk më 31 mars 2021 dhe firmosur për llogari të tyre nga:

Hazbi Metaj
Administrator

Lindita Metalla
Ekonomiste

Pasqyra e pozicionit financiar duhet të lexohet së bashku me shënimet shpjeguese në faqet 5-18 që janë pjesë përbërëse e pasqyrave financiare.



Pasqyra e Performancës Financiare

	Shënime	31 dhjetor 2020	31 dhjetor 2019
Të ardhurat operative			
Të ardhura nga shërbimet	13	64,365,500	-
Shpenzimet operative			
Shpenzime administrative	14	(18,154,984)	(9,814,922)
Shpenzime personeli	15	(33,713,267)	(3,535,976)
Shpenzime amortizimi	8	(14,633,450)	-
Totali i shpenzimeve operative		(66,501,701)	(13,350,898)
Fitimi operativ		(2,136,201)	(13,350,898)
Të ardhura/shpenzime nga interesi		127	-
Fitimi/(humbja) nga kursi i këmbimit, neto		2,415,016	(566,724)
Fitimi para tatimit		278,942	(13,917,622)
Shpenzim tatim fitimi	16	-	-
Fitimi neto për vitin		278,942	(13,917,622)
Të ardhura të tjera gjithëpërfshirëse		-	-
Totali i të ardhurave dhe shpenzimeve dhe të tjera gjithëpërfshirëse		278,942	(13,917,622)

Pasqyra e performancës financiare duhet të lexohet së bashku me shënimet shpjeguese në faqet 5 - 18 që janë pjesë përbërëse e pasqyrave financiare.

Pasqyra e Ndryshimeve në Kapital

	Kapitali aksionar	Fitime të mbartura	Totali
Gjendja më 1 janar 2019	1,000,000	-	1,000,000
Fitimi për vitin		(13,917,622)	(13,917,622)
Të ardhura të tjera gjithëpërfshirëse	-	-	-
Gjendja me 31 dhjetor 2019	1,000,000	(13,917,622)	(12,917,622)
Gjendja më 1 Janar 2020	1,000,000	(13,917,622)	(12,917,622)
Fitimi për vitin	-	278,942	278,942
Të ardhura të tjera gjithëpërfshirëse	-	-	-
Gjendja me 31 dhjetor 2020	1,000,000	(13,638,680)	(12,638,680)

Pasqyra e ndryshimeve në kapitalin neto duhet të lexohet së bashku me shënimet shpjeguese në faqet 5 -18 që janë pjesë përbërëse e pasqyrave financiare.

Pasqyra e Flukseve të Parasë

	Shënime	31 dhjetor 2020	31 dhjetor 2019
Flukset monetare nga aktiviteti operativ			
Fitimi para tatimit		278,942	(13,917,622)
Rregullime për:			
Zhvierësime dhe amortizime	8	14,633,450	-
<i>Ndryshime në aktive dhe detyrime operative:</i>			
Të drejta të arkëtueshme		(5,315,999)	(16,215,868)
Llogari të pagueshme		8,467,774	109,654,798
Mjetet monetare të përdorura nga aktivitetet operative		18,064,167	79,521,308
Tatimi fitimi i paguar		-	-
Flukset monetare neto nga aktivitetet operative		18,064,167	79,521,308
Flukset monetare nga aktiviteti investues			
Blerje e aktiveve afatgjata jomateriale-e drejtë koncesionare		(8,659,458)	(71,652,037)
Pakësime		-	-
Flukset monetare neto nga aktivitetet investuese		(8,659,458)	(71,652,037)
Flukset monetare nga aktiviteti financues			
Kapital i paguar		-	1,000,000
Flukset monetare nga aktiviteti financues		-	1,000,000
Rritja neto e mjeteve monetare dhe ekuivalenteve të tyre		9,404,709	8,869,271
Mjetet monetare dhe ekuivalentët e tyre në fillim të vitit		8,869,271	-
Mjetet monetare dhe ekuivalentët e tyre në fund të vitit		18,273,980	8,869,271

Pasqyra e flukseve monetare duhet të lexohet së bashku me shënimet shpjeguese në faqet 5- 18 që janë pjesë përbërëse e pasqyrave financiare.

Shënimet për Pasqyrat Financiare

1. Informacion i përgjithshëm

‘Shoqëria Koncesionare Noa Inspekt’ Shpk u themelua në 18 Korrik 2019 si Person Juridik me NIPT L91918012B. Veprimtaria e saj rregullohet sipas dispozitave përkatëse të ligjit Nr 9901 datë 14.04.2008 “Për Shoqëritë Tregtare”, dhe nga statuti i saj.

Me datë 28 gusht 2019, Ministria e Financave dhe Ekonomisë si Autoriteti Kontraktues, Noa Control si koncesionari dhe Shoqëria Koncesionare Noa Inspekt shpk si shoqëri koncesionare kanë lidhur një kontratë koncesionare.

Shoqëria Koncesionare ka si objekt të veprimtarisë së saj hartimin e Projektit përfundimtar, projektimin, vënien në punë të shërbimit të kontrollit ligjor të instrumentave matëse, nëpërmjet verifikimit të instrumentave shpërndarëse të karburantit dhe gazit të lëngshëm, ofrimin e shërbimit të kërkuar dhe transferimin e pajisjeve të Sistemit Operativ të Autoritetit Kontraktues pas përfundimit të afatit të koncesionit.

Mbi bazën e kontratës koncesionare, investimet që duhet të kryhen nga koncesionari janë në vlerën totale 70,000,000 lekë. Koncesionari, para nënshkrimit të kontratës ka siguruar në një shoqëri sigurimi për llogari të Autoritetit Kontraktues, një shumë prej 7,000,000 lekë që përbën 10% të vlerës totale të investimit për të gjithë kohëzgjatjen e kontratës.

Ky koncesion jepet për një periudhë 20 vjetësh nga data efektive. Data efektive është 31 Mars 2020.

Tarifat e shërbimit për çdo verifikim të çdo aparati/instrumenti matës të shpërndarjes së karburantit ose gazit të lëngshëm do jenë sipas udhëzimit të përbashkët të Ministrisë së Ekonomisë, Tregtisë dhe Energjisë dhe Ministrisë së Financave nr 2, datë 08.02.2013. Në asnjë rast nuk mund të jenë më të ulta se sa në udhëzim.

Në 18 dhjetor 2020 është miratuar ligji 126/2020 “Për Metrologjinë, i cili kërkon kryerjen e ndryshimeve/përshtatjeve/miratimeve/saktësimeve si të kuadrit rregullator të zbatueshëm, ashtu dhe të kontratës së Koncesionit.

Shoqëria ka të punësuar 26 punonjës në dhjetor 2020 (2019: 22 punonjës).

Administratori i Shoqërisë është znj. Brunilda Lilo.

Adresa e Shoqërisë është Njësia bashkiake nr 5, rruga “Nikolla Tupe”, Tiranë, Republika e Shqipërisë.

2. Bazat e përgatitjes dhe deklarata e përputhshmërisë

2.1 Deklarata e përputhshmërisë

Shoqëria mban regjistrimet kontabël dhe përgatit Pasqyrat Financiare në përputhje me legjislacionin Kontabël në Shqipëri. Pasqyrat financiare janë përgatitur në përputhje me Standardet Kombëtare të Kontabilitetit (SKK).

2.2 Baza e përgatitjes

Pasqyrat financiare janë përgatitur duke u bazuar në koston historike. Bazat e matjes për çdo aktiv, detyrim, të ardhur apo shpenzim shpjegohen me detaje në vazhdim të këtij shënimi shpjegues.

Përgatitja e pasqyrave financiare në përputhje me SKK-të kërkon të përdoren vlerësime të rëndësishme kontabël. Gjithashtu është e nevojshme që drejtimi të përdorë gjykimin e tij në zbatimin e politikave kontabël të shoqërisë. Fushat në të cilat kanë një shkallë të lartë gjykimi dhe kompleksiteti, ose ku supozimet dhe vlerësimet kanë ndikim domethënës në pasqyrat financiare janë të paraqitura në shënimin 5 “Gjykime dhe çmuarje të rëndësishme kontabël”.

3. Përmbledhje e politikave kontabël

Politikat kryesore kontabël të përdorura në përgatitjen e pasqyrave financiare janë të prezantuara më poshtë. Këto politika janë përdorur në mënyrë konsistente në të gjitha vitet e prezantuara, përveçse kur specifikohet ndryshe.

3.1 Transaksionet në valutë të huaj

(a) Monedha funksionale dhe e paraqitjes

Këto pasqyra financiare janë paraqitur në Lekë. Monedha funksionale e Shoqërisë është Lekë. Përveçse në rastet kur shprehet ndryshe, informacioni financiar është i paraqitur në Lekë.

(b) Transaksionet dhe tepricat në monedhë të huaj

Transaksionet në monedhë të huaj janë përkthyer në Lekë duke përdorur kursin e ditës në datën e transaksionit. Të gjitha humbjet dhe fitimet nga kursi i këmbimit që rezultojnë nga kryerja e këtyre transaksioneve dhe nga rivlerësimi i zërave monetare në monedhë të huaj me kursin e këmbimit të fundit të vitit njihen në fitim ose humbje.

Zërat jo-monetare nuk përkthehen në fund të periudhës por maten me kosto historike (këmbehen duke përdorur kursin e këmbimit në datën kur është kryer transaksioni), përveç rasteve kur zërat jo-monetare maten me vlerë të drejtë të cilat këmbehen duke përdorur kurset e këmbimit në datën kur është përcaktuar vlera e drejtë.

Kurset zyrtare të këmbimit të përdorura për të përkthyer zërat në Pasqyrën e pozicionit financiar të shprehura në monedhë të huaj, janë si më poshtë:

	31 dhjetor 2020	31 dhjetor 2019
Euro	123.70	121.77
Dollar Amerikan	100.84	108.64

3. Përmbledhje e politikave kontabël (vazhdim)

3.2 Njohja e të ardhurave

Të ardhurat janë flukset hyrëse bruto të përfitimeve ekonomike gjatë periudhës të cilat vijnë si rezultat i aktivitetit të zakonshëm të shoqërisë. Të ardhurat përfshijnë vlerën e drejtë e të arkëtueshmeve ose të hyrave nga shitja e të mirave dhe shërbimeve që vijnë nga aktiviteti i zakonshëm i shoqërisë. E ardhura paraqitet neto nga tatimi mbi vlerën e shtuar ("TVSH"), kthimet, uljet tregtare.

Të ardhurat nga shërbimet e ofruara njihen në pasqyrën e të ardhurave në varësi të fazës së përfundimit të transaksionit në datën e bilancit. Asnjë e ardhur nuk njihet nëse ka pasiguri të lartë lidhur me kryerjen e pagesës dhe kostove përkatëse. Të ardhurat njihen nëse ka mundësi që të realizohen flukse të ardhshme hyrëse dhe këto flukse mund të maten në mënyrë të besueshme.

3.3 Shpenzimet operative

Shpenzimet operative njihen në fitim ose humbje gjatë përdorimit të shërbimit ose në datën në të cilën ato kanë ndodhur. Shpenzimet për garancitë njihen dhe ngarkohen kundrejt provizionit përkatës në momentin që njihet e ardhura e lidhur me to.

3.4 Qiraja

Shpenzimet e qirave, në të cilat një pjesë e madhe e riskut dhe përfitimeve të pronësisë mbarten nga qiramarrësi, klasifikohen si qira financiare. Pagesat e kryera për qiranë financiare (neto nga ndonjë përfitim të marrë nga qiradhënësi) ngarkohen në fitim ose humbje me metodë lineare përgjatë periudhës së qirasë. Faktorët të cilat konsiderohen përfshijnë gjatësinë e afatit të qirasë në lidhje me jetën ekonomike të aktivitetit, vlerën aktuale e pagesave minimale të qirasë në lidhje me vlerën e drejtë të aktivitetit, dhe nëse Shoqëria merr pronësinë e aktivitetit në fund të afatit të qirasë.

Të gjitha qiratë e tjera janë trajtuar si qira operative. Kur Shoqëria është një qiramarrësi, pagesat për marrëveshjet e qirasë operative njihen si shpenzim në bazë lineare përgjatë afatit të qirasë.

3.5 Përfitimet e punonjësve

Shoqëria është e detyruar nga legjislacioni Shqiptar në fuqi të depozitojë kontributet fikse për llogari të punonjësve në një fond social që manaxhohet nga Qeveria. Të gjithë pagesat dhe detyrimet njihen si shpenzim në periudhën në të cilën i takojnë.

3. Përmbledhje e politikave kontabël (vazhdim)

3.6 Aktivet afatgjata materiale

Aktivët afatgjata materiale mbahen me kosto historike minus amortizimin e akumuluar. Kosto historike përfshin shpenzimet që lidhen drejtpërdrejtë me blerjen e aktivit.

Kostot e mëpasshme përfshihen në vlerën kontabël të aktivit vetëm kur është e mundur që në të ardhmen ato të sjellin përfitime ekonomike për shoqërinë, dhe kur kosto mund të matet në mënyrë të besueshme. Vlera kontabël e pjesës së zëvendësuar çregjistrohet. Të gjitha riparimet dhe mirëmbajtjet njihen në fitim ose humbje në periudhën financiare në të cilën ato ndodhin. Zhvlerësimi llogaritet duke përdorur metodën e vlerës së mbetur. Normat e përdorura të amortizimit janë si më poshtë:

Aktive të qëndrueshme	%
Ndertesa	5
Pajisje Elektronike	25
Të tjera	20

Vlera e mbetur dhe jetëgjatësia e aktiveve afatgjata materiale rishikohet, dhe rregullohet nëse është e përshtatshme, në çdo datë të Pasqyrës së pozicionit financiar. Vlera kontabël e një aktivit shpenzohet menjëherë deri në shumën e rikuperueshme, nëse vlera kontabël e aktivit është më e madhe se shumta e vlerësuar e rikuperueshme.

Përfitimet dhe humbjet që vijnë nga zhvlerësimi i aktiveve afatgjata materiale përcaktohen si diferencë midis të ardhurave nga shitja dhe vlerës kontabël të aktivit dhe njihet në fitim ose humbje të periudhës financiare.

3.7 Aktivët afatgjata jomateriale

Marrëveshje koncesionare

Shoqëria njih një aktiv jomaterial që rrjedh nga një marrëveshje koncesionare, kur ajo ka të drejtë të tarifojë përdorimin e infrastrukturës së koncesionit. Një aktiv jomaterial i marrë si konsideratë për ofrimin e shërbimeve në një marrëveshje koncesionare të shërbimit, matet me vlerën e drejtë në momentin e njohjes fillestare, duke ju referuar vlerës së drejtë të shërbimeve të ofruara. Pas njohjes fillestare, aktivi jo-material matet me kosto, e cila përfshin kostot e kapitalizuara të huamarrjes, duke zbritur amortizimin e akumuluar dhe humbjet e akumuluar nga zhvlerësimi.

Jeta e dobishme e vlerësuar e një aktivit jo-material në një marrëveshje koncesionare është periudha nga kur Shoqëria është në gjendje të tarifojë publikun për përdorimin e infrastrukturës deri në fund të periudhës së koncesionit.

Aktivët afatgjata jomateriale përfshijnë koston e licencave për programe kompjuterike, të cilat kapitalizohen nëse janë kryer për të blerë dhe instaluar programin kompjuterik. Këto kosto amortizohen mbi jetën e tyre të dobishme. Amortizimi ngarkohet në masën 15% me metodën e vlerës së mbetur.

3. Përmbledhje e politikave kontabël (vazhdim)

3.8 Instrumentet finansiare

3.8.1 Aktivet finansiare

Aktivitet dhe detyrimet financiare njihen kur shoqëria bëhet palë kontraktuale e instrumentit financiar dhe maten fillimisht me vlerën e drejtë të rregulluar me kostot e transaksionit, përveç atyre të mbajtura me vlerën e drejtë përmes fitimit ose humbjes të cilat njihen fillimisht me vlerën e drejtë dhe kostot e transaksionit shpenzohen në fitim ose humbje.

Shoqëria klasifikon aktivet e saj financiare në këto kategori: aktive financiare me vlerë të drejtë përmes fitimit ose humbjes, huatë dhe të arkëtueshmet, aktive financiare të mbajtura deri në maturim dhe aktive financiare të vlefshme për shitje. Klasifikimi varet nga qëllimi për të cilin janë blerë aktivet. Drejtimi vendos klasifikimin e aktiveve financiare që në momentin e njohjes fillestare dhe e rivlerëson atë në çdo datë raportuese.

a) Aktivet financiare me vlerë të drejtë nëpërmjet fitimit ose humbjes

Kjo kategori ka dy nën-kategori: aktivet financiare të mbajtura për tregtim dhe ato të klasifikuara me vlerë të drejtë përmes fitimit ose humbjes që në fillim. Një aktiv financiar është i klasifikuar në këtë kategori nëse është blerë me qëllim për t'u shitur në një periudhë afatshkurtër, nëse ai përbën një pjesë të portofolit të aktiveve financiare për të cilat ka evidencë për realizimin e fitimeve afatshkurtra. Aktivet në këtë kategori janë klasifikuar si aktive afatshkurtra, shoqëria nuk ka asnjë aktiv të klasifikuar në këtë kategori.

b) *Huatë dhe të arkëtueshmet*

Huatë dhe të arkëtueshmet janë aktive financiare jo derivative me pagesa fikse ose të përcaktuara që nuk janë të kuotuar në një treg aktiv letrash me vlerë, përveç atyre që shoqëria kërkon t'i shesë në periudhë afatshkurtër ose janë përcaktuar me vlerën e drejtë nëpërmjet fitimit ose humbjes. Huatë dhe të arkëtueshmet njihen fillimisht me vlerën e drejtë dhe pastaj maten me koston e amortizuar duke përdorur koston efektive të interesit, duke zbritur provizionin për zhvlerësim. Një provizion për zhvlerësim për huatë dhe llogaritë e arkëtueshme krijohet kur ka evidencë objektive që shoqëria nuk do jetë në gjendje të arkëtojë të gjithë shumat në përputhje me kushtet e tyre në momentin fillestar.

c) *Aktive financiare të mbaitura deri në maturim*

Aktivet financiare të mbajtura deri në maturim janë aktive financiare jo derivative me pagesa fikse ose të përcaktuara dhe me afat maturimi fiks, përveç atyre që plotësojnë kushtet e përkufizimit të huave dhe të arkëtueshmeve, që manaxhimi i kompanisë ka qëllimin dhe aftësinë t'i mbajë deri në maturim. Këto aktive njihen fillimisht me vlerën e drejtë dhe më pas maten me vlerën e amortizuar duke përdorur koston efektive të interesit, duke zbritur provizionin për zhvlerësim nëse ka. Një provizion për zhvlerësim për aktive financiare të mbajtura deri në maturim krijohet kur ka evidencë objektive qëshoqëria nuk do jetë në gjendje të arkëtojë të gjithë shumat në përputhje me kushtet e tyre origjinale. Shoqëria nuk ka aktive të klasifikuara në këtë kategori në datën e raportimit.

d) Aktive financiare të disponueshme për shitje

Aktivët financiarë të disponueshme për shitje janë aktive financiare jo derivivate të klasifikuara në këtë kategori ose që nuk janë të klasifikuara në ndonjë kategori tjetër. Shoqëria nuk ka aktive të klasifikuara në këtë kategori në datën e raportimit.

3. Përmbledhje e politikave kontabël (vazhdim)

3.8 Instrumentet financiare (vazhdim)

3.8.1 Aktivet financiare (vazhdim)

e) Njohja fillestare dhe çregjistrimi

Blerjet dhe shitjet e aktiveve financiare njihen në ditën e tregtimit, dita në të cilën shoqëria kryen blerjen apo shitjen e aktivit. Aktivet financiare njihen fillimisht me vlerën e drejtë plus, në rast se aktivi nuk është mbajtur me vlerën e drejtë përmes fitimit dhe humbjes, kostot e transaksionit që lidhen drejtpërdrejt me blerjen e aktivit. Aktivet financiare të mbajtura me vlerën e drejtë përmes fitimit ose humbjes njihen fillimisht me vlerën e drejtë dhe kostot e transaksionit njihen në fitim ose humbje.

Aktivët financiarë çregjistrohen, kur të drejtat për të përfituar flukse të mjeteve monetare prej tyre kanë skaduar ose kur ata janë transferuar dhe shoqëria ka transferuar në mënyrë thelbësore të gjitha rreziqet dhe përfitimet e pronësisë mbi aktivin.

f) Matja e mëpasshme e aktiveve financiare

Aktivët financiarë të disponueshme për shitje dhe aktivët financiarë me vlerën e drejtë përmes fitimit ose humbjes maten edhe më pas me vlerën e drejtë. Huatë dhe të arkëtueshmet maten me koston e amortizuar duke përdorur metodën e interesit efektiv. Fitimet dhe humbjet që rrjedhin nga ndryshimet në vlerën e drejtë të aktiveve financiare me vlerën e drejtë përmes fitimit ose humbjes janë të përfshira në fitim ose humbje në zërin (humbje)/fitime të tjera në periudhën në të cilën ato ndodhin. Fitimet dhe humbjet e parealizuar që rrjedhin nga ndryshimet në vlerën e drejtë të aktiveve jomonetare të klasifikuara si të disponueshme për shitje njihen në kapital. Kur letrat me vlerë të klasifikuara si aktive financiare të disponueshme për shitje janë shitur ose zhvlerësuar, rregullimet e akumuluar të vlerës së drejtë të njohura në kapital përfshihen në fitim ose humbje si “fitim ose humbje nga aktivët financiarë”

Fitimet dhe humbjet që rrjedhin nga ndryshimet në vlerën e drejtë të aktiveve financiare me vlerën e drejtë përmes fitimit ose humbjes janë të përfshira neto në fitim ose humbje në zërin (humbje)/fitime të tjera në periudhën në të cilën ato ndodhin. Ndryshimet në vlerën e drejtë të instrumentave financiarë monetare dhe jo-monetare në kategorinë ‘të disponueshme për shitje’ njihen në kapital.

Interesi nga aktivët financiarë të disponueshme për shitje i llogaritur duke përdorur metodën e interesit efektiv është njohur në Pasqyrën e të ardhurave gjithëpërfshirëse si pjesë e të ardhurave të tjera. Dividendët nga aktivët financiarë të disponueshme për shitje janë njohur në fitim ose humbje si pjesë e të ardhurave të tjera në momentin kur është fituar e drejta e kompanisë për të marrë pagesat në lidhje me to.

Vlera e drejtë e aktiveve të kuotuar është bazuar në çmimet e ofertës aktuale. Në qoftë se tregu për një aktiv financiar nuk është aktiv (dhe për letrat me vlerë të pa listuara), shoqëria e përcakton vlerën e drejtë duke përdorur teknika të ndryshme vlerësimi. Këto teknika përfshijnë marrjen në konsideratë të transaksioneve më të fundit, referencë me instrumenta financiarë të tjerë në substancë të ngjashëm, analizën e skontimit të flukseve monetare etj.

3. Përmbledhje e politikave kontabël (vazhdim)

3.8 Instrumentet financiare (vazhdim)

3.8.2 Detyrimet financiare

Detyrimet financiare të shoqërisë përfshijnë llogari të pagueshme dhe të tjera të pagueshme ndaj aksionarëve. Detyrimet financiare njihen fillimisht me vlerën e tyre të drejtë të përshtatura me kostot e transaksionit që lidhen drejtpërdrejtë me blerjen e tyre. Detyrimet financiare më pas maten me koston e amortizuar duke përdorur metodën e interesit efektiv.

3.8.3 Kompensimi i instrumenteve financiare

Aktivet dhe detyrimet financiare kompensohen dhe shumat e tyre neto raportohen në pasqyrën e pozicionit financiar vetëm kur ekziston një e drejtë ligjore e zbatueshme për të kompensuar shumat e njohura dhe ka qëllim për t'i vendosur mbi bazë neto, ose të realizojë aktivin dhe të shlyejë detyrimin njëkohësisht.

3.9 Zhvlerësimi

3.9.1 Zhvlerësimi i aktiveve financiare

Një aktiv financiar konsiderohet i zhvlerësuar nëse ka të dhëna objektive që tregojnë se një apo disa ngjarje kanë efekte negative në flukset e ardhshme që parashikohet të burojnë nga aktivi.

Një zhvlerësim në lidhje me aktivin financiar, të matur me kosto të amortizuar, llogaritet si diferencë midis vlerës së mbetur dhe vlerës aktuale të flukseve të ardhshme të parashikuara të pasasë të skontuara me normën efektive të interesit.

Aktive financiare të rëndësishme individualisht testohen për zhvlerësim në mënyre individuale. Aktivet e tjera financiare vlerësohen në mënyre të grupuar, në grupe që kanë karakteristika të ngjashme të riskut kreditor.

Të gjitha humbjet nga zhvlerësimi njihen në pasqyrën e të ardhurave dhe shpenzimeve.

Një humbje nga zhvlerësimi rimerret nëse rimarrja mund të lidhet objektivisht me një ngjarje të ndodhur pas njohjes së humbjes nga zhvlerësimi. Për aktivet financiare të matura me kosto të amortizuar, rimarrja njihet në pasqyrën e të ardhurave dhe shpenzimeve.

3.9.2 Zhvlerësimi i aktiveve jo-financiare

Vlera e mbetur e aktiveve jo-financiare të Shoqërisë, rishikohet në çdo datë raportimi për të përcaktuar nëse ka të dhëna për zhvlerësim. Nëse ka të dhëna të tilla atëherë vlerësohet vlera e rikuperueshme e aktivit.

Një humbje nga zhvlerësimi njihet nëse vlera e mbetur e një aktivi tejkalon vlerën e tij të rikuperueshme. Humbjet nga zhvlerësimi njihen në pasqyrën e të ardhurave dhe shpenzimeve.

3. Përmbledhje e politikave kontabël (vazhdim)

3.10 Tatimi mbi fitimin

Tatimi mbi fitimin është njohur në pasqyrën e të ardhurave dhe shpenzimeve dhe paraqet shumën e tatimeve të pagueshme dhe të shtyra. Tatimi aktual është tatimi i pritshëm i pagueshëm mbi fitimin e tatueshëm të vitit, i cili llogaritet duke përdorur normat e tatimeve në fuqi në datën e bilancit dhe ndonjë rregullim të tatimit të pagueshëm në lidhje me vitet e mëparshme. Fitimi fiskal ndryshon nga fitimi neto i raportuar në pasqyrën e të ardhurave dhe shpenzimeve sepse përjashton zërat e të ardhurave dhe shpenzimeve që janë të tatueshme ose të zbritshëm në vitet e tjera dhe gjithashtu përjashton zërat e të ardhurave dhe shpenzimeve që nuk janë asnjëherë të tatueshme ose të zbritshëm.

3.11 Mjetet monetare dhe ekuivalentët e tyre

Mjetet monetare dhe ekuivalentët e saj përfshijnë paratë në arke, depozita afatshkurtra në bankë dhe investime të tjera afatshkurtra likuide me maturitet më pak se 3 muaj.

3.12 Provizionet

Një provizion njihet kur shoqëria ka një detyrim aktual si rezultat i një ngjarje të shkuar dhe është e mundur që një dalje e burimeve që përfshijnë përfitime ekonomike do të kërkohej për të shlyer detyrimin, dhe një vlerësim i besueshëm mund të bëhet për vlerën e detyrimit. Provizionet nuk njihen për humbje të ardhshme operative. Provizionet maten me vlerën aktuale të shpenzimeve që do të duhen për të shlyer detyrimin, duke përdorur një normë skontimi e cila përfaqëson vlerësimin aktual të vlerës në kohë të pasasë dhe rreziqet specifike të detyrimit. Rritja e provizionit me kalimin e kohës njihet si shpenzim interesi.

3.13 Angazhime dhe detyrime të kushtëzuara

Detyrimet e kushtëzuara nuk njihen në pasqyrat financiare. Ato pasqyrohen në shënimet shpjeguese nëse mundësia e daljes së burimeve që përfshijnë përfitime ekonomike është e ulët. Aktivët e kushtëzuara nuk njihen në pasqyrat financiare por paraqiten në shënimet shpjeguese kur mundësia e të ardhurave ekonomike është e mundshme. Shuma e një humbje të kushtëzuar njihet si provizion nëse është e mundshme që ngjarje të ardhshme do të konfirmojnë provizionin, një detyrim njihet në datën e Pasqyrës së pozicionit financiar kur një vlerësim i pranueshëm i humbjes mund të bëhet në mënyrë të besueshme.

3.14 Transaksionet me palët e lidhura

Palët e lidhura përbëhen nga aksionarë dhe drejtorët e shoqërisë, së bashku me entitete që ata kontrollojnë, të cilët mund të ushtrojnë influencë të konsiderueshme në operacionet dhe manaxhimin e shoqërisë. Duke konsideruar çdo palë të mundshme, vëmendje i kushtohet thelbit të marrëdhënies dhe jo vetëm formës ligjore.

3.15 Ngjarjet pas datës së raportimit

Ngjarjet pas datës së raportimit që ofrojnë informacion shtesë për pozicionin e shoqërisë në datën e Pasqyrës së pozicionit financiar (veprimet rregulluese), janë të reflektuara në pasqyrat financiare. Ngjarjet pas datës së bilancit që nuk janë ngjarje për veprime rregulluese janë pasqyruar në shënimet shpjeguese kur janë materiale.

3. Përmbledhje e politikave kontabël (vazhdim)

3.16 Parimi i vijimësisë

Gjatë fillimit të vitit 2020, në nivel global u përhap pandemia e COVID-19. Në mars të vitit 2020, qeveria e Shqipërisë mori masa drastike duke pezulluar të gjitha aktivitetet që nuk ishin jetësore. Pandemia Covid-19 nuk ka patur ndikim të konsiderueshëm duke marrë në konsideratë llojin e shërbimit të ofruar.

Aktiviteti i Shoqërisë ka vazhduar pa ndërprerje gjatë 2020, dhe ka patur një performancë relativisht të qëndrueshme.

Drejtimi nuk është në dijeni për ndonjë pasiguri materiale që mund të hedhë dyshime të konsiderueshme mbi aftësinë e Shoqërisë për të vazhduar në vijimësi.

3.17 Menaxhimi i rrezikut të kapitalit

Objektivat e Shoqërisë në menaxhimin e kapitalit janë të ruajë aftësinë e Shoqërisë për të vazhduar biznesin në vijimësi në mënyrë që të sigurojë përfitime për aksionaret dhe përfitime për palët e tjera të interesuara dhe të mbajë një strukturë optimale kapitali për të reduktuar koston e kapitalit.

Struktura e kapitalit të shoqërisë përbëhet nga kapitali i pronarit dhe humbjet e akumuluar. Drejtimi rishikon strukturën e kapitalit në terma vjetore.

3.18 Vlerësimi me vlerën e drejtë

Vlera e drejtë përfaqëson vlerën me të cilën një aktiv mund të zëvendësohet ose një detyrim të shlyhet në kushte të tregut. Vlera e drejtë është bazuar në supozimin e drejtimit në përputhje me profilin e aktivitetit dhe bazën e detyrimit.

(a) Aktivitetet financiare të mbajtura me koston e amortizuar

Vlera e drejtë e llogarive të arkëtueshme dhe të arkëtueshme të tjera duhet të përafrohet me vlerën kontabël përderisa janë instrumente afatshkurtër.

(b) Detyrimet financiare të mbajtura me koston e amortizuar

Vlera kontabël e llogarive të pagueshme dhe të pagueshme të tjera duhet të përafrohet me vlerën e drejtë. Shoqëria nuk mban detyrime të tjera financiare.

4 Gjykime dhe çmuarje të rëndësishme kontabël

Në zbatimin e politikave kontabël të shoqërisë, të cilat përshkruhen në shënimin shpjegues 3, drejtimit i duhet të bëjë vlerësime, gjykime dhe supozime për vlerën kontabël të aktiveve dhe detyrimeve që nuk kanë një vlerësim të qartë nga burime të tjera. Vlerësimet dhe supozimet e lidhura me to bazohen në eksperiencën të mëparshme dhe faktorë të tjerë që konsiderohen të rëndësishëm. Rezultatet aktuale mund të jenë të ndryshme nga këto vlerësime dhe supozime.

4 Gjykime dhe çmuarje të rëndësishme kontabël (vazhdim)

Shoqëria bën vlerësime dhe supozime lidhur me të ardhmen. Vlerësimet kontabël rrallë do të rezultojnë të barabarta me rezultatet aktuale. Vlerësimet dhe supozimet, të cilat kanë rrezik të konsiderueshëm për të shkaktuar ndryshime materiale në vlerën kontabël të aktiveve dhe detyrimeve brenda vitit të ardhshëm financiar shtjellohen më poshtë.

Gjykime

Informacioni në lidhje me gjykimet e bëra në zbatimin e politikave kontabël që kanë efektet më të rëndësishme në shumat e njohura në pasqyrat financiare, përfshihet më poshtë:

- i) Marrëveshja koncesionare: përdorimi i modelit të aktivitetit jo material sipas SKK 13 dhe IFRIC 12.

Paqartësia në gjykime***(a) Tatimi mbi të ardhurat***

Shoqëria është subjekt i tatimit të fitimit në Shqipëri. Gjykimi i konsiderueshëm kërkohet për të përcaktuar vlerën e tatimit fitimit. Ka shumë transaksione dhe llogaritje për të cilat përcaktimi nga legjislacioni është i paqartë. Shoqëria njeh detyrimet për tatimin e parashikuar për çështje të auditimit bazuar në vlerësimet nëse do të ketë shtim në detyrimin tatimor. Kur detyrimi tatimor final për këto çështje është i ndryshëm nga vlera që ishte njohur fillimisht, diferenca ndikon tatim fitimit aktual dhe atë të shtyrë për periudhën në të cilën janë bërë përcaktimet.

(b) Vlera e drejtë e aktiveve financiare

Vlera e drejtë e instrumentave financiare, të cilat nuk tregtohen në një treg aktiv (të gjitha aktivet e Shoqërisë) përcaktohet duke përdorur metoda vlerësimi. Shoqëria përdor gjykimin në zgjedhjen e metodave të ndryshme dhe bën supozimet që bazohen kryesisht në kushtet ekzistuese të tregut në çdo datë raportimi.

(c) Jeta e dobishme e aktiveve të amortizueshme

Drejtimi rishikon jetën e dobishme të aktiveve të amortizuara në çdo datë të raportimit financiar. Drejtimi vlerëson se jeta e dobishme e përcaktuar e aktiveve përfaqëson përdorimin e pritshëm të aktivitetit. Megjithatë, rezultatet faktike mund të ndryshojnë për shkak të daljes jashtë përdorimit si pasojë e teknologjisë.

(d) Njohja e të ardhurave

Shoqëria përdor metodën e njohjes së të ardhurave sipas fazës së përfunduar të punimeve dhe çmimet fikse të përcaktuara në kontratë. Përdorimi i kësaj metode kërkon që shoqëria të vlerësojë shërbimin e kryer në një datë, në proporcion me shërbimin total të parashikuar. Rezultati aktual mund të ndryshojë nga vlerësimet dhe parashikimet e bëra.

5 Mjete monetare dhe ekuivalentët e saj

Mjetet monetare analizohen si më poshtë:

Mjete monetare në banka	31 dhjetor 2020	31 dhjetor 2019
Në Lekë	18,264,660	50,678
Në Euro	9,320	8,818,593
Total	18,273,980	8,869,271

Mjetet monetare në banka janë të lira në llogari rrjedhëse.

6 Llogari të arkëtueshme

	31 dhjetor 2020	31 dhjetor 2019
Klientë	16,585,840	-
Total	16,585,840	-

NoA Inspekt ka realizuar verifikime fillestare, verifikime jashtë radhe, verifikime periodike, kontrolle dhe sigurime të regjimit automatik dhe audite të instrumenteve matës ligjërish të kontrolluar në pikat e tregtimit të karburantit dhe gazit.

7 Aktive të tjera

Aktive të tjera analizohen si më poshtë:

	31 dhjetor 2020	31 dhjetor 2019
Shpenzime të llogaritura	-	1,160,330
TVSH e kreditueshme	4,717,531	14,927,718
Parapagime dogana	25,465	16,887
Paradhënie të tjera	203,031	110,933
Total	4,946,027	16,215,868

8 Aktivitet afatgjatë jomateriale-e drejtë konkensionare

Kosto historike	Aktive afatgjatë jomateriale-e drejtë konkensionare
Gjendja më 1 janar 2019	-
Shtesa	71,652,037
Pakësime	-
Gjendja më 31 dhjetor 2019	71,652,037
Shtesa	8,659,458
Pakesime	-
Gjendja më 31 dhjetor 2020	80,311,495
Amortizim i akumuluar	
Gjendja më 1 janar 2019	-
Shpenzimi i amortizimit	-
Pakësime	-
Gjendja më 31 dhjetor 2019	-
Shpenzimi i amortizimit	14,633,450
Pakësime	-
Gjendja më 31 dhjetor 2020	14,633,450
Vlera kontabel neto	
Më 31 dhjetor 2019	71,652,037
Më 31 dhjetor 2020	65,678,045

8 Aktivitet afatgjatë jo-materiale-e drejtë koncesionare (vazhdim)

Aktive afatgjatë jo-materiale - e drejtë koncesionare përfshijnë kostot e blerjes së sistemeve matëse të pistoletave të karburantit dhe GLN si dhe pajisjet ndihmëse për procesin e verifikimit; kostot për dizajnimin dhe zhvillimin e programit kompjuterik; blerjen e 7 furgonave të rinj për ekipet e inspektorëve në terren; blerjen e pajisjeve kompjuterike (mackbook dhe IPAD) etj.

Më 31 dhjetor 2020 dhe 2019, Shoqëria nuk ka prona të vëna si garanci. Nuk ka detyrime kontraktuale për të blerë aktive afatgjatë materiale si më 31 dhjetor 2020.

9 Llogari të pagueshme

Llogaritë e pagueshme analizohen si më poshtë:

	31 dhjetor 2020	31 dhjetor 2019
Llogari të pagueshme nga aktiviteti	7,979,095	9,773,578
Total	7,979,095	9,773,578

10 Detyrime të tjera

Detyrime të tjera analizohen si më poshtë:

	31 dhjetor 2020	31 dhjetor 2019
Të pagueshme ndaj punonjësve dhe sigurimeve shoqërore/shëndetsore	787,443	516,656
Tatim në burim	58,325	-
Total	845,768	516,656

11 Detyrime ndaj palëve të lidhura

	31 dhjetor 2020	31 dhjetor 2019
Të pagueshme ndaj Noa Control	109,297,709	93,168,564
Të pagueshme ndaj Noa Energy	-	6,196,000
Total	109,297,709	99,364,564

12 Kapitali i paguar

Kapitali i paguar më 31 dhjetor 2019 dhe 2018 analizohet si më poshtë:

	Pjesëmarrja	31 dhjetor 2020	31 dhjetor 2019
Ortakët	%	lekë	lekë
Noa Control	100%	1,000,000	1,000,000
Total	100%	1,000,000	1,000,000

13 Të Ardhurat nga shërbimet

	31 dhjetor 2020	31 dhjetor 2019
Shitje		
Shitje nga shërbimet	64,365,500	-
Total	64,365,500	-

14 Shpenzime administrative

Shpenzime administrative analizohen si më poshtë:

	31 dhjetor 2020	31 dhjetor 2019
Shpenzim Certifikimi	814,910	2,702,732
Sigurime	1,459,284	2,586,798
Transferime, udhëtim, diela	1,012,198	1,462,030
Qira	1,763,232	238,414
Konsulencë	1,555,985	552,345
Veshje pune	1,254,280	
Plumca	425,023	
Shpërblime	460,000	
Transporte për blerje	3,658,328	375,913
Sherbime bankare	133,728	159,512
Noterizime	80,417	129,167
Trajnime		139,283
Shpenzime doganore	57,064	99,975
Shpenzime për makina	412,238	98,990
Shpenzime për pritje dhe përfaqësime	191,680	85,770
Shërbim Ata Carnet	270,650	61,535
Tatime të tjera		41,744
Taksa dhe tarifa vendore	74,500	34,319
Parkim	1,173,800	39,800
Shpenzim Kancelari	870,599	16,250
Mirëmbajtje dhe riparime	14,757	16,000
Qira Pajse	-	14,250
Shpenzime postare e telekomunikacion	573,269	8,380
Përkthime	5,834	5,416
Shpenzime të tjera	1,893,208	946,299
Total	18,154,984	9,814,922

15 Shpenzime personeli

Shpenzime personeli analizohen si më poshtë:

	31 dhjetor 2020	31 dhjetor 2019
Paga	29,558,123	3,153,221
Kontribute shoqërore dhe shëndetsore	4,155,144	382,755
Total	33,713,267	3,535,976

16 Tatim Fitimi

	31 dhjetor 2020	31 dhjetor 2019
Fitimi para tatimit	278,942	(13,917,622)
Rregullime për:		
Shpenzime të pazbritshme	1,564,587	1,032,070
Total	1,843,529	(12,885,552)
Humbja tatimore e mbartur	(12,885,552)	-
Humbje tatimore vitit ushtrimor	(11,042,023)	(12,885,552)
Norma e tatimit Shqipëri	15%	15%
Tatimi mbi fitimin	-	-

Në përputhje me legjislacionin tatimor shqiptar, norma e aplikueshme e tatimit për vitin 2020 është 15% (2019; 15%). Deklaratat tatimore janë plotësuar për çdo vit por fitim-humbjet e deklaruar për qëllime tatimore mbeten si parashikime derisa autoritetet tatimore kontrollojnë ato dhe regjistrimet e taksapaguesit dhe lëshohet një vlerësim final.

Ligjet tatimore shqiptare janë subjekt interpretimi nga autoritetet tatimore. Shpenzimet e palejuara për efekte tatimore paraqesin shpenzime të pambështetura me dokumentacionin përkatës apo shpenzime të konsideruara të panjohura për efekte fiskale.

17 Angazhime dhe detyrime të kushtëzuara

Çështje ligjore

Gjatë aktivitetit të zakonshëm, shoqëria mund të përfshihet në dëme dhe çështje ligjore. Në gjykimin e drejtimit, shoqëria nuk do të ketë ngjarje me peshë të konsiderueshme për të ndikuar në pozicionin financiar të saj ose për të ndryshuar vlerën neto të aktiveve, përveç atyre për të cilat është njohur një provizion në pasqyrat financiare.

Detyrime të kushtëzuara

Shoqëria nuk ka detyrime të kushtëzuara të rëndësishme të kontraktuara deri në datën e pasqyrës së pozicionit financiar të cilat nuk janë njohur në pasqyrat financiare.

18 Transaksionet me palët e lidhura

Shoqëria gjatë aktivitetit të saj të zakonshëm ka transaksione me palët e lidhura. Tabela më poshtë është një përmbledhje e transaksioneve me palët e lidhura:

	Të arkëtueshme	Detyrime	Të ardhura	Shpenzime
Më dhe për vitin e mbyllur më 31 dhjetor 2020				
NOA Control Sh.p.k	-	(109,297,709)	-	-
	-	(109,297,709)	-	-
Më dhe për vitin e mbyllur më 31 dhjetor 2019				
NOA Energy shpk	-	(6,196,000)	-	-
NOA Control Sh.p.k	-	(93,168,564)	-	-
	-	(99,364,564)	-	-

19 Ngjarje pas datës së raportimit

Drejtimi i Shoqërisë nuk është në dijeni të ndonjë ngjarjeje pas datës së aprovimit të pasqyrave financiare, të cilat mund të kërkojnë korrektimin e pasqyrave financiare.